

## Nus essan alla tscherca d'ideas: Formaziun dalla piazza Nova Sentupada



Cun reconstruir la Nova Sentupada a Laax dat ei era ina nova piazza avon il baghetg. Quei liug da s'entupar niev per la populaziun duei survegnir in aspect special – in mosaic cun crappa da sulada. Il motiv leutier encurin nus uss cun ina concorrenza d'ideas publica.

**Gidei da concepir quel!**

Il davos termin d'inoltrar propostas ei ils 30 da zercladur 2026.

## In niev center da s'entupar per Laax e sia populaziun

La stad 2026 entscheivan las lavurs da construcziun per la Nova Sentupada sut la baselgia parochiala. Il baghetg d'occurrenz modern duei daventar in liug dallas sentupadas, dil brat e dall'inspiraziun. In liug nua che carstgauns da tuttas generaziuns s'entaupan e nua ch'els han caschun da tgirar ils ligioms socials e rinforzar la convivenza el vitg.

Dalla Nova Sentupada dat en egl sia fuorma rodonda, il baghetg da lenn harmonisescha optimalmein culla topografia dil crest-baselgia. Il medem mument sesarva ina piazza ella fuorma d'ina cuort, naven da leu entran ins directamein ella gronda sala principala.

### La concorrenza ei instradada

La piazza avon la Nova Sentupada ei ina part essenziala dil baghetg. Pertgei leu entscheiva la gliעד a tschintschar e seconversar. Era ord vesta concepziunala duei quell'impurtonza, sco liug che colligia tuttas generaziuns, semussar. Concret vul quei gir il suandont: In grond mosaic da sulada duei vitalisar la piazza ed envidar da scuvierer ed explorar. Da maniera simpatica duei quei element inspirar, manifestar ed exprimer la populaziun che viva oz a Laax. La Nova Sentupada ei cheu pils da Laax – e perquei han lezs era la pusseivladad da contribuir al concept dil mosaic da sulada. Quei vul gir che nus encurin il sujet da quei simbol, e quei cun ina concorrenza d'ideas publica. Tuts astgan separticipar: Giuven e vegl, hosps ed indigens, concepiders laics ed artist:as professional:as. Il principal ei che tuts setegnan vid las directivas (mira pagina 3).

### Premiaziun al marcau dil vitg

Il davos termin d'inoltrar la proposta ei ils 30 da zercladur 2026. Ina giuria fa silsuenter ina preselecziun da treis tochen tschun motivs, lezs vegnan presentai al marcau dil vitg dils 25 da fenadur 2026. Leu sa la populaziun votar e decider il motiv che gudogna la concorrenza. Plinavon san ins cumprar al marcau dil vitg crappa da sulada speciala e cunquei sustener da maniera activa e persunala il project cumineivel. El motiv eis ei previu d'integrar, tenor pusseivladad, quels «craps da fauturs». Suenter la premiaziun dils megliers motivs suondan detagls en gliez connex.



## Directivas pil concept dalla piazza

- Ord vesta tematica sto il motiv **s'accordar** culla **Nova Sentupada**. El duei exprimer noziuns sco «cuminonza», «setener ensemen», «carezia proximala», «generaziuns», «convivenza», «s'entupar» eav.
- Ord vesta dalla formaziun sto il motiv s'adattar agl **entir concept architectonic** e risguardar il lungatg dallas fuormas dil crest-baselgia (dapli informaziuns anfl'ins ella descripciun dil project).
- Il maletg total duei seprentar **harmonicamein** e ruasseivel.
- Treis tuns da color ein a disposiziun: crappa grischa, stgira e clara.




- Die Umgebungselemente (Baum mit Bank, Brunnen) können ins Motiv integriert werden.
- Il motiv (resp. ils motifs) sa/san s'extender sur l'entira piazza ni selimitar sil sectur avon la sala principala.
  - **Sche l'entira piazza** vegn integrada el concept, resta la formaziun limitada sin sempels ornaments e musters. La gronda part dalla surfatscha sto lu esser en crap grisch.
  - **Il sectur predefiniu** avon la sala principala (ca. 25m<sup>2</sup>) san ins concepir libramein. La sulada dall'ulteriura piazza en artg vegn adattada al motiv.
  - Ins sa era cumbinar omisduas variantas.
- Ils elements dil contuorn (plonta cun baun, fontauna) san ins includer el motiv.




## Illustraziun/maletg

Ils motivs d'ideas ein d'illustrar sin in plan dil contuorn e/ni sin in plan detagliau. Fegls da presentaziun (format A3) san ins scargar sut [www.pleiv-lax-falera.ch](http://www.pleiv-lax-falera.ch), ni retrer digl Uffeci da baghegiar Laax.


**Presentaziun 1** (entira plazza) → scargar giu cheu directamein



**Presentaziun 2** (sectur avon la sala principala) → scargar giu cheu directamein



**Presentaziun 3** (entira piazza cun sectur detagliu) → scargar giu cheu directamein



## Intoltrar

Las ideas pil(s) motiv(s) ein d'inoltrar sin pupi e sils fegl's da presentaziun – cun indicar silla vart davos las coordinatas da contact (num e prenum, adressa, e-mail, numera da telefon).

**Inoltrar tochen ils 30 da zercladur 2026 a:**

Pleiv roman-catolica Laax  
Kirchgemeinde Laax  
Via Principala 39  
7031 Laax

Sche Vus haveis damondas, s'annunziei p. pl. tier Christoph Kälin,  
tel. 079 408 33 08, mail: [president@pleiv-laax.ch](mailto:president@pleiv-laax.ch).

Cordial engraziament per Vossa participaziun e per Vossas ideas creativas!

**Kath. Kirchengemeinde Laax**  
Präsident:

Christoph Kälin

**Stiftung Pro Laax**  
Präsident:

Toni Camathias

**Gemeinde Laax**  
Leiterin Bau und Infrastruktur:

Simona Camathias